

Morning Dogri (NSD) National News Bulletin 14-01-2025

आकाशवाणी

- प्रधानमंत्री नरेन्द्र मोदी होर भारत दी जलवायु स्मार्ट मुख्य बनाने लेई अज्ज मिशन मौसम दी शुरूआत करगंन।
- प्रधानमंत्री नरेन्द्र मोदी होरें आयुष्मान भारत प्रधानमंत्री जन आरोग्य योजना, ओडिशा च लागू कीते जाने पर राज्य दे लोकें गी बधाई दित्ती।
- कल होने आले एनईटी यूजीसी दिसम्बर 2024 मतेयान गी अगड़ा पाई दित्ता गेआ ऐ। नमीं तरीक दी घोषणा मगरा कीती जाग।
- मुख्य भरै च अज्ज मक्कर संक्राति दा ध्यार बड़े उत्सह कन्नै मनाया जा'रदा ऐ।
- सिंगापुर दे राष्ट्रपति थारमन शनमुग रतनम होर अज्जै थमां 5एं दिनें दी भारत यात्रा पर आवा'रदे न।
- खो खो विश्व कप 2025 च भारत नै ग्रुप-ए दे मकाबले च नेपाल गी हराई दित्ता।

<><><><><><>

PM-Mission Mausam

प्रधानमंत्री नरेन्द्र मोदी होर अज्ज नमीं दिल्ली च भारतीय मौसम विभाग दी स्थपना दे डेढ़ सौ ब'रे पूरे होने दे जश्न दरान 'मिशन मौसम'8 दी शुरूआत करगंन। इस मिशन दा मकसद मुख्यै गी हर मौसम दी चुनौती कन्नै निबड़ने लेई तैआर बनाना ऐ ते एह्दे लेई मौसम सरबंधी भलेयां अज्जै कल्लै दिएं तकनीकें कन्नै लैस तंत्र कायम कीता जा'रदा ऐ। इस मौके पर प्रधानमंत्री होर भारती मौसम विभाग दे 2047 लेई विजन डाक्यूमेंट गी बी जारी करगंन। एह्दे च मौसम सरबंधी पेशनगोई ते होरने चीजें बारे व्यापक योजना शामिल न।

<><><><><><>

President

राष्ट्रपति द्रौपदी मुर्मू होरें आखेआ ऐ जे पशुधन ग्रामीण अर्थबवस्था ते ग्रां दे लोकें दी आमदन च महत्वै आली भूमका नभांदा ऐ। उनें राष्ट्रीय डेयरी विकास बोर्ड दी ओडिशा राज्य सहकारी दुध उत्पादक संघ दे केई जतनें दी शुरूआत कीती। राष्ट्रपति मुर्मू होरें आखेआ जे भारत च पशुएं दियां केई सारियां नस्ला न ते उनें मुख्य दी समग्र कृषि विरासत च योगदान दित्ता ऐ। उनें इस गल्ला पर लोह पाई जे सरकार नै जानवरें दे नस्ल विकास ते होरने सरबंधी केई जतन कीते न। राष्ट्रपति होरें आखेआ जे सेहत, दौनें पर ध्यान देने कन्नै खाद्य उत्पादे ते दुध सनें जानवरें थमां हासल होने आले होरने उत्पाद दी गुणवत्ता च सुधार होग।

<><><><><><><><>

Odisha

प्रधानमंत्री नरेन्द्र मोदी होरें आयुश्मान भारत प्रधानमंत्री जन आरोग्य योजना ओडिशा च लागू कीते जाने पर राज्य दे लोकें गी बधाई दित्ती ऐ। एह योजना लागू करने आला ओडिशा सब्बने राज्यें ते केन्द्र शासत प्रदेशें च इक सोशल मीडिया पोस्ट च प्रधानमंत्री होरें आखेआ जे एह योजना किफायती दरे पर उच्ची गुणवत्ता आली सेहत सेवा जकीनी बनाग। प्रधानमंत्री मोदी होरें आखेआ जे इस योजना कन्नै खास करियै ओडिशा दी महिलाएं ते बर्जुगें गी लाह हासल होग।

<><><><><><><><>

NET

कल होने आली यूजीसी एनईटी दिसम्बर 2024 मतेयान गी अगड़ा पाई दित्ता गेआ ऐ। नमीं तरीक दी घोषणा मगरा कीती जाग। राष्ट्रीय परीक्षा अजेंसी दे इक ब्यानै च आखेआ ऐ जे 15 जनवरी गी पोंगन। मक्कर संक्राति ते होर दुए ध्यार होने करी यूजीसी एनईटी मतेयान गी अगड़ा पाया गेआ ऐ। अजेंसी नै अगगे आखेआ ऐ जे 16 जनवरी गी होने आला मतेयान पैहले थमां तैह कार्यक्रम दे मूजब गै आयोजित कीता जाग।

<><><><><><><><>

Tax Collection

मुख्य दे सिद्धे तौर पर कर किट्ठा करने च जारीमाली ब'रे च तकरीबन 16 प्रतिशत दा बाद्धा दर्ज कीता गेआ ऐ ते एह तकरीबन 16 लख 90 ज्हार करोड़ रपे तगर होइ गेआ ऐ।

केन्द्रीय प्रत्यक्ष कर बोर्ड दे मताबक सकल प्रत्यक्ष कर किट्ठा करने च बी तकरीबन 20 फीसद दी बढ़ोतरी दर्ज कीती गई, जेहड़ी 20 लख करोड़ रपे शा मती ऐ। एह पिदले माली ब'रे च इस्से अवधि दरान किट्ठे कीते गेदे 17 लख करोड़ रपे थमां मता बाद्धा ऐ।

<><><><><><>

Agriculture Minister

राई-बाई ते करसान कल्याण मंत्री शिवराज सिंह चौहान होरें आखेआ ऐ जे सरकार नै घट्टोघट्ट समर्थन मुल्ल पर हुनै तगर 13 लख 68 जहार क्विंटल थमां मती सोयाबीन दी खरीद कीती ऐ। नमीं दिल्ली च उनें दस्सेआ जे महाराष्ट्र च सोयाबीन दी खरीद दी समें सीमा इस म्हीने दी 31 तरीक तगर ते राजस्थान आस्तै 4 फरवरी तगर बधाई गई ऐ। चौहान होरें आखेआ जे एह फैसला राज्य सरकारें दी मंग मगरा लैता गेआ ऐं मंत्री होरें आखेआ जे सरकार करसानें दे कल्याण आस्तै लगातार कम्म करा'रदी ऐ।

<><><><><><>

Makkar Sakranti

मक्कर संक्राति दा ध्यार अज्ज मुल्खै दे बक्ख-बक्ख हिस्सें च मनाया जा'रदा ऐ। अज्जै मगरा मौसम च बड्डा बदलाव ओंदा ऐ ते दिन बड्डे होना शुरू होई जंदे न। इस ध्यार गी मुल्ख दे बक्ख-बक्ख हिस्सें च बक्ख-बक्ख नाएं कन्नै जानेआ जंदा ऐ। इसी तमिलनाडू च पोंगल, गुजरात च उत्तरायणख असम च भोगाली विहू ते पच्छिम बंगाल च पौष संक्राति दे तौर पर मनाया जंदा ऐ।

<><><><><><>

Mahakumbh

प्रयागराज च दुनिया दे सब्बने शा बड्डे अध्यात्मिक किठट्ठ यानि महाकुंभ च अज्ज मक्कर संक्राति दे मौके पर अमृत स्नान होआ'रदा ऐ। एहदे लेई कुल 13 अखाड़े न ते हर अखाड़े लेई ओहदा समां ते बारी तैह कीती गेदी ऐ। महानिरचानी पंचैती अखाड़े पर सब्बने शा पैहली पवित्र चलोबी लाई गई, जिसलै जे खीरली चलोबी त्रिवेणी संगम श्री पंचैती अखड़ा निर्मल च लाई जा करदी ऐ। इस बड्डे आयोजन लेई सुरखा दे निग्गर बंदोबस्त कीते गेदे न। कल पौह म्हीने दी पुन्नेया दे मासैके पर 1 करोड़ 50 लख शा मते लोकें त्रिवेणी संगम दे बक्ख-बक्ख घाटें पर पवित्र चलोबी लाई। इस दरान हैलीकाप्टर राएं फुल्ल बी बरसाए गे।

<><><><><><><>

PM Lohri

प्रधानमंत्री नरेन्द्र मोदी होरें दिल्ली दे नारायणा च लोहड़ी दे जश्न च हिस्सा लैता। इस कार्यक्रम च बक्ख-बक्ख लोक शामिल होए, खास करियै युवा ते महिला। इक सोशल मीडियो पोस्ट च प्रधानमंत्री होरें आखेआ जे उत्तर भारत दे लोकें लेई लोहड़ी इक बड़ा महत्वै आला ध्यार ऐ ते एह ध्यार नबीकरण ते मेदें दा प्रतीक ऐ। उनें आखेआ जे एह ध्यार खास करियै मुख्ये दे करसानें लेई बड़ा मता महत्व रखदा ऐ।

<><><><><><><>

Singapur

थ्संगापुर दे राष्ट्रपति थारमन शनमुग रतनम होर अज्जै थमां 5एं दिनें दी भारत यात्रा पर आवा'रदे न। उंदे कन्नै मंत्रिएं, सांसदे ते अधिकारिएं सनें इक उच्च स्तरीय प्रतिनिधिमंडल बी होग। सिंगापुर दे राष्ट्रपति दे तौर पर एह उंदी पैहली भारत यात्रा होग।

<><><><><><><>

Food Grain

भारत नै लेसोथो दे लोकें आस्तै खाने पीने आली चीजें सरबंधी मदाद दी दूई किश्त भेजी ऐ। विदेश मंत्रालय नै सोशल मीडिया दी इक पोस्ट च आखेआ ऐ जे इस सहायता कन्नै लैसोथो गी खाद्य सुरक्षा कन्नै जुड़ी दी दिक्कत परेशानिएं कन्नै निबड़ने च मदद थ्होग।

<><><><><><><>

I&B Minister

सूचना ते प्रसारण मंत्री अश्विनी वैष्णव होरें मेटा कंपनी दे सीईओ मार्क जूकरबरी हुंदे दावे गी खारज कीता ऐ। जूकरबरी हुंदा दावा हा जे कोविड महामारी दे बाद मती मजूदा सरकारै 2024 दे चुनां हारे न जिंदे च भारत बी शामिल ऐ। इक सोशल मीडिया पोस्ट च वैष्णव होरें आखेआ जे जूकरबरी हुंदे आस्सेआ इयै नेही गलत जानकारी बड़ी मती निराशा आली गल्ल ऐ। मंत्री होरें अगगे आखेआ जे प्रधानमंत्री मोदी हुंदी त्रिये कार्यकाल दी जित्त सुशासन ते लोकें दे भरोसे दा सबूत ऐ। उनें आखेआ जे भारत कोविड महामारी दरान 80 करोड़ लोकें

लेई मुफ्त खाने पीने आला समेयान 2 अरब 20 करोड़ मुफ्ते ठीके ते दुनिया भरै च मुल्खे गी मदद उपलब्ध करोआई ।

<><><><><><>

Kho Kho

खो खो विश्व कप च भारत नै नमीं दिल्ली च रातीं खेड्डे गेदे गुप-ए दे मकाबले च नेपाल गी 42-37 कन्नै हराइयै अपने अभियान दी शुरूआत कीती ।

<><><><><><>